



UNIVERSITÄTS-  
BIBLIOTHEK  
PADERBORN

**HORATII TVRSELLINI || ROMANI || E SOCIETATE IESV ||  
LAVRETANAЕ HISTORIAE || LIBRI QVINQVE. ||**

**Torsellini, Orazio**

**Romae, 1597**

Cap. 22. Martinus V. S. Domum Indulgentijs, & Nundinis ornat.

---

[urn:nbn:de:hbz:466:1-64112](https://nbn-resolving.de/urn:nbn:de:hbz:466:1-64112)

rum enim uero illa tam fæda discordiarum tempestas, sicut Ecclesiam, ac Pontifices ingenti malorum mole oppres- sit, ita Lauretanam Aedem haud paruo fraudauit cumulo bonorum. Id adeo quæ consecuta sunt tempora decla- rarunt.

*Martinus V. Indulgentijs, & Nundinis Laureta-  
nam ornat celebritatem. Cap. XXII.*

Hier. Ang.

**Q**Væ ab translata Aede B. Mariæ ex Galilæa, ad ean- dem Laureti constitutam, celebrarique cœptam in multiplici Christianæ rei varietate, motuque gesta sunt, adhuc exposui, res cum vetustate, ac rerum perturbatio- ne subobscuras; tum raris per ea tempora litteris illustra- tas. Ad hæc, si quæ in Recinetensium commentarijs, alijsque publicis, priuatisque erant monumentis, incenso (vt supra diximus) cum vrbe tabulario, pleraque inter- iere. Cæterum subleuauit Recinetensem cladem Dalmatarum industria. Flumenes Tersactensis finiti- mi, Leone X. Pontifice Maximo, Lauretanæ historiæ ori- gines ac primordia haud mediocriter illustrarunt. Nam de prima sanctissimæ huius domus in Dalmatiam migra- tione, exploratione, cultu, ac miraculis consignata litte- ris Recinetensi populo miserunt ea, quæ in vetustis maio- rum suorum annalibus repererant. Et Recinetenses Leo- nem Pont. de hisce rebus certiorem fecerunt. Authorem habeo Hieronymum Angelitam, qui illo ipso tempore Re- cinctensi ciuitati erat à secretis: & subinde Lauretanam historiam, ubi hæc memoriæ prodidit, Clementi VII. Leo- nis patrueli, & participi secretorum dicauit. Nos igitur Angelitam haud dubiæ fidei authorem secuti ex Illyrico- rum annalibus primam huius historiæ partem texuimus, ijs quæ in proprijs Recinetensium monumentis calamiti- tas vrbis reliqua fecerat, adiectis. Clariora deinceps, & vberio-

vberiora tradentur, quæ paulo diligentius, vel memoriæ prodita, vel litteris custodita ad nostram ætatem, nostraſ que manus peruenere. Martinus ergo pace, & otio Ecclæſiæ parto, antiquissimum habuit Lauretanam Aedem miraculis, ac prodigijs nobilem suo aliquo munere infi- gnem relinquere. Itaque multis magnisque Indulgentia- rum propositis præmijs, mortales omnes ad Lauretanum ſacellum Septembri potiſſimum mense viſendum, colen- dumque inuitauit. Porrò anno eius ſæculi ferme XX. hoc beneficium nouo beneficio cumulauit. Solemnes Recine- ti Nundinas *ad laudem, & gloriam, & honorem Lauretanæ Virginis* (vt ipſe in litteris Apostolicis ait) instituit, ratus fore, id quod euenit, vt ob locorum propinquitatem, Recinetensis emporij celebritas celebritatem augeret Lau- retanæ Domus: quippe cum finitimos populos mercium illecebra, mercatores Indulgentia delictorum ad Laure- tanam Aedem celebrandam alliceret. Lauretanæ porrò Indulgentias trimestres esse voluit, & Recinetensi merca- tui pares. nimirum, vt Septembri, Octobri, Nouembri mensibus, quibus Recinetensis mercatus celebraretur, in- indulgentiæ Laureti percipi ab adeuntibus rite B. Virginē, poſſent. Martini exemplum plures deinceps Pontificum ſecuti, Iulius II. Xystus IV. & Leo X. (vt ſuis deinde locis dicturi ſumus) Recinetensem mercatum ſua autho- ritate firmarunt: & Lauretanum templum Pontificalibus beneficijs adauixerunt. Cæterum Martino V. Pont. Lau- retani templi non celebritas modo, ſed etiam cultus ma- ximè auctus. Affluentibus Sacerdotibus voluntarijs Ae- dis Lauretanæ ministris, ædes egregiæ (Canonicam vo- cant) ad meridiem excitatæ. Prætorium quoque exſtru- etum, & hospitium quâ nobilibus, quâ pauperibus adue- nis destinatum.

Martini V.  
beneficia.

Ex Bull.  
Iul. II.